

# ØYANE OVER 6. september 2020

## Ein kysttur - i kystkultur

**Velkommen til Øyane Over!** Den velkjende turen mellom og over **HOVDEN, BATALDEN, SKORPA** og **KINN** Fire av øyane i skjergarden i Flora kommune.

Dette er ein klassikar som står fram som Flora Turlag sin hovudtur i sommarsesongen. Første tur gjekk 22. mai 1977.

**Turen tek 12 timar.** Du kan velge om du vil gå over toppane eller langs sjøen på alle øyane. For å få båttransporten mellom øyane til å fungere må det vere eit vist tempo på turane over toppane.

Båten går frå Fugleskjærskai i Florø kl. **07.00**. **Møt opp i god tid for å registrere deg og få billett. Husk å betal når du har fått bekrefta plass.** Betal i nettbank og merk innbetalinga med namn! Du kan også betale på VIPPS til: Flora Turlag 554905. Husk å ta med kvittering.

**NB! Påmelding og informasjon innan laurdag 5. september kl. 12.00 og er bindande:**

**Astrid Breiland Eliassen 415 49 299**

**Arnfrid Bergheim 481 23 163**

I **Hovdevågen** vert det gitt ei orientering om turen. Turen går over **Hovden** (5 km), via Vemannsrøysa, 239 moh eller langs sjøen på delvis asfaltert og grusa bilveg (5 km) til Berekstad. Turen langs sjøen vil vere ein roleg og fin start på dagen, medan turen over øya er litt tyngre. Båten går **frå Berekstad kl. 10.00** til Batalden – spis gjerne litt før du tek båten frå Berekstad.

Til **Batalden** kjem vi omlag **kl. 10.15**. Her kan du anten gå til topps (bratt stigning 492 moh, 4 km t/r), rusle i fjæra eller bli med på turen bort til Stokksneset. I ei av buene på kai er det ei utstilling om sildetida. Mange vel å ta hovudmatpausa på Batalden. Dei mest vågale badar.

For å nå ned att til båtavgangen kl 13.00 må alle ha starta på returen frå toppen innan **kl. 12.00**.

**Kl 13.00** går båten vidare til **Skorpa**. Her kan du velje å ta turen over Blåkollen (tung tur 392 moh, 5 km) eller gå nede langs sjøen. Nede får du to val – ein kort (4 km) eller ein litt lengre (7 km) ut til BåsunDET.

Turen går vidare til **Kinn** omlag **kl. 16.00** frå Skorpa. Dei fleste går til Kinnakyrkja (2,5 km t/r). Derfrå kan vi anten snu, gå gjennom Høyskaret og rundt øya (5,5 km), opp og gjennom sjølve Kinnaklova og rundt øya (6,5 km) eller opp på Søre Stauren (luftig 197 moh, 6 km) og tilbake til kai.

Siste retur frå Kinn **kl. 18.30** tilbake til Fugleskjærskai i Florø til **kl. 19.00**. Båten vi nyttar skal inn i ordinær rutetrafikk.

På **Øyane Over** kan dei som vil gå langt, fort og høgt gjere det, men det er også mogeleg å ta det litt meir roleg. Rutealternativa på **Øyane Over** er dei som er beskrivne ovanfor – vi kan ikkje tillate egne rutetrasear.

**Dersom været eller andre forhold tilseie det, kan turleiarane korte ned på turane og gjere ruteendringar.**

**Alle må vere merksame på avgangstidspunkt for båten.**



## ØYANE OVER 6. september 2020

Gå den turen over øyane som passer best til di form og husk 1 meter avstand.

**Hovudturleiar er Astrid Breiland Eliassen – 415 49 299.** Alle turleiarane har raude **T - vestar**.

Har du problem eller spørsmål må du ikkje nøle med å ta kontakt med ein av dei.

På Øyane Over kan du **ikkje ta med hund** – fordi det er sauer med lam på beite.

**Husk å ta med rikeleg med drikke og niste for heile dagen.** Du kan ha ekstra vatn og mat, samt klede liggande ombord i båten.

For å vere sikre på at alle er med har vi optelling ved ombordstiging. Ved landligge bør du ikkje opphalde deg i båten.

Sjå nettesida Flora Turlag: [www.flora.dnt.no](http://www.flora.dnt.no) for meir informasjon. For turbeskriving og kart sjå: [www.UT.no](http://www.UT.no)  
Følg oss gjerne på Facebook.



# GOD TUR!

### Prisar:

Medlem i Turlaga / DNT: Kr 625

Ikkje medlem: Kr 675

Ungdom < 25 år med studentbevis: Kr 570

**Kontonummer 3775 65 53268**

**Vipps nummer: Flora Turlag 554905**

**NB! Møt opp i god tid før avgang.**

### Avgangstider båt: ca. tider

**Avgang Florø kl. 07.00**

Avgang Hovden/Barekstad kl. 10.00

Avgang Batalden kl. 13.00

Avgang Skorpa kl. 16.00

Avgang Kinn kl. 18.30

Ankomst Florø kl. 19.00

### I eit gammalt turprogram frå 1981 står denne skildringa av turen:

”"Vårens vakraste eventyr" kunne Turlaget sette som motto for denne turen. Frå båtane fossar ut Flore-vika i 7-8 tida om morgonen til dei returnerar 12 timar etter, går turen gjennom eit kystlandskap som må vere mellom dei finaste i landet. Hovden med sine fine vågar og fjellvatn, Store-Batalden, ein kjempestein på 492 moh ytst mot Nordsjøen, Blåkollen/Skorpa med storslege utsyn mot Batalden og Kinn/Rognaldsvåg), og med idyllisk busetnad. på sørsida, og endeleg, Kinn med kyrkje og klove og alt som har gjort Kinn kjent nær sagt over heile landet. Og i tillegg den fine båtturen over fjordarmar, gjennom osar og sund. Bli med på denne "standard"turen også i år. Bli kjend på øyane, slik at du kan komme tilbake seinare på eiga hand ein gong.”

Foto: R. Helland

